

Das Erste Buch  
Die erste Historia.

Wisset ihr/ daß in dieser gegent einer/ welches inn der Kirchen  
gedacht ist/ den 24. Martij Anno 93. ein Nachtwanderer gewesen  
sey/ welcher/ als er auß dem Bette auffgestanden/ die Treppen her  
under gestiegen/ vnd einen weiten Weg durch den Hoff gangen/  
darnach inn die Küchen kommen/ vnd in den Brunnen gestiegen/  
hat die Hände vnd Füße hart vnd fest eingesetzt/ vnd ist auch gar na  
set gewesen/ bis auff das Hembd/ ist doch nicht ins Wasser kom  
men/ außgenommen/ daß er den Saum am Hembd ein wenig ein  
geneset. Vnd als derselbe erwachet/ vielleicht wegen des kalten  
Wassers/ schreyet er: O mein Bein/helffet mir. Die andern im  
Hause/ als sie die Stimme hören/ suchen ihn/ vnd finden ihn/ daß  
er sich im Brunnen mit Händen vnd Füßen anhele/ setzen ihm die  
Leiter mit dem Liecht hinein. Diweil er aber auff diese weise nicht  
können heraus kommen/ lassen sie ihm den Eymmer hinunder/ so  
steigt er mit dem rechten Fuß hinein/ vnd mit der rechten Hand  
helt er die Ketten/ vnd haben ihn also heraus gebracht/ welches  
glücklich zu gangen/ aber er ist sehr erschrohren gewesen/ ist gar ver  
stummet.

Wie er nun nach eingenommener Arkenen wieder zu sich  
selbst kommen/ hat er berichtet/ er habe es gleich als inn einem  
Traum gesehen/ daß er gewandert/ Er habe auch ein Feuer vber sich  
gesehen/ daß were vber dem Wasser gewesen/ da auch das Hembd  
am Saum war naß worden/ seind doch alle seine Glieder trucken/  
sein ganzer Leib starr/ vnd kalt gewesen/ ist weder ganz noch mit ei  
nem Glied ins Wasser kommen/ nur allein ein Stück an dem Hembd  
ist naß worden/ entweder im Eymmer/ als er nein getreten/ oder als  
er die Wand im Brunn geklettert/ vnd bis auffs Wasser kommen/  
er ist aber von der Kälte des Wassers auffgewacht.

Die